

Saluti al Idorenkontro 2018 en Provins

Daniel Garcia 2018_09_22 skribis al Idoamiki Berlin:

Kara amiki,

dum la lasta venerdii me devis laborar ed anke dum la next semano e pro co me pov nek partoprenir la lasta emendo-rondeti nek partoprenor la renkontro en Provins :-(.
Me deziras a tota la Provins-ala partoprenanti bona voyago a Francia, bona retro-venado pose a Berlin ed anke joyozega dii ibe!

Per amikal saluto,
Daniel Garcia

Partaka 2018_09_24 che Idolisto:

Estimata samideani en la tota mondo:

Ad omna fortunoza partoprenonti en nia Ido-Renkontro Internaciona 2018
(eventonta en Provins, Francia, inter la 26ma e la 30ma di septembro)
me deziras maxim felica voyago e sejorno, e maxim joyoza, profitiza e sucesoza konfero.

Ido vivez! Vivez Ido!
(Partaka)

Antonio Martinez 2018_09_25 che Idolisto:

Kar amiki,

me deziras al partoprenanti tre sucesoza Ido Renkontro, ube dum kelka dii la vera linguo Internaciona inter amiki esos Ido.

Amikala saluti de Hispania.
Antonio.

Don Gasper 2018_09_26 che Facebook:

Ad omna partoprenanti dil Ido-renkontro en Provins, Francia, me sendas saluti okazione dil Europana Dio di Lingui!

Xavier Dewidehem 2018_09_27 che Facebook:

Me deziras suceson et omno bona a ca renkontro! Me esus tre prizinta partoprenar olu. Ka la partoprenanti publikigos fotografuri de la renkontro?